

瑜伽師地論卷第二十一

第十一

禍一

彌勒菩薩說 沙門玄奘奉詔譯

本地分中聲聞地第十三
初瑜伽處種姓地第一
如是已說修所成地云何聲聞地一切聲聞

地摠溫陀南曰

若略說此地 姓等數取趣 如應而安立
世間出世間 此地略有三 謂種姓趣入
反出離想地 是說爲聲聞

云何種姓溫陀南曰

若略說一切 種姓地應知 謂自性安立
諸相數取趣

謂若種姓自性若種姓安立若住種姓者所
有諸相若住種姓補特伽羅如是一切摠略
爲一名種姓地

云何種姓謂住種姓補特伽羅有種子法由
現有故安住種姓補特伽羅若遇勝緣便有
堪任便有勢力於其涅槃能得能證問此種

姓名有何差別答或名種子或名爲界或名
爲性是名差別問今此種姓以何爲體答附
在所依有如是相六處所攝從無始世展轉
傳來法爾所得於此立有差別之名所謂種
姓種子界性是名種姓
云何種姓安立謂應問言今此種姓爲當言
細爲當言鹿應答言細何以故由此種子未
能與果未習成果故名爲細若已與果已習
成果爾時種姓若種若果俱說名鹿

問如是種姓當言墮一相續墮多相續答當
言墮一相續所以者何若法異相俱有而轉
見彼差別種種相續種種流轉如是種子
於六處有別異相即於如是種類分位六處
殊勝從無始世展轉傳來法爾所得有如是
想及以言說謂爲種姓種子界性是故當言
墮一相續

問若住種姓補特伽羅有涅槃法此住種姓
有涅槃法補特伽羅何因緣故有涅槃法而

前際來長時流轉不般涅槃答四因緣故不般涅槃何等爲四一生無暇故二放逸過故三邪解行故四有障過故云何生無暇謂如有一生於邊國及以達須彌戾車中四衆賢良正至善士不往遊涉是名生無暇云何放逸過謂如有一雖生中國又非達須彌非彌矣

禍一

二

公

車四衆賢良正至善士皆往遊涉而生貴家財寶具足於諸妙欲耽著受用不見過患不知出離是名放逸過云何邪解行謂如有一雖生中國乃至廣說而有外道種種惡見謂起如是見立如是論無有施與廣說乃至我自了知無諸後有復由如是外道見故不值諸佛出現世間無諸善友說正法者是名邪解行云何有障過謂如有一雖生中國廣說如前亦值諸佛出現於世遇諸善友說正法者而性愚鈍頑駢無知又復瘡癰以手代言無力能了善說惡說所有法義或復造作諸無間業或復長時起諸煩惱是名有障過如

是名爲四種因緣由此因緣故雖般涅槃法而不般涅槃彼若值遇諸佛出世聽聞正法獲得隨順教授教誠無彼因緣爾時方能善根成熟漸次乃至得般涅槃無涅槃法補特伽羅住法定聚彼若遇緣若不遇緣遍一切種畢竟不能得般涅槃

問何等名爲涅槃法緣而言闕故無故不會遇故不般涅槃答有二種緣何等爲二一勝二劣云何勝緣請正法增上他音及內如理作意云何劣緣謂此劣緣乃有多種謂若自圓滿若也圓滿若善法欲若正出家若戒律儀若根律儀若於食知量若初夜後夜常勤

禍一

三

公

修習恬寤瑜伽若正知而住若樂遠離若清淨諸蓋若依三摩地云何自圓滿謂善得人身生於聖處諸根無缺勝處淨信離諸業障云何名爲善得人身謂如有一生人同分得丈夫身男根成就或得女身如是名爲善得人身云何名爲生於聖處謂如有一生於中

國廣說如前乃至善士皆往遊涉如是名爲生於聖處云何名爲諸根無缺謂如有一性不愚鈍亦不頑駢又不瘡痘乃至廣說支節無減彼由如是支節無缺耳無缺等能於善品精勤修集如是名爲諸根無缺云何名爲勝處淨信謂如有一於諸如來正覺所說法毗柰耶得淨信心如是名爲勝處淨信言勝處者謂諸如來正覺所說法毗柰耶能生一切出世間白淨法故此中所起前行增上諸清淨信名勝處淨信能除一切所有煩惱垢穢濁故云何名爲離諸業障謂能遠離五無間業所謂於彼害母害父害阿羅漢破和合僧於如來所惡心出血隨一所有無間業障於現法中不作不行如是名爲離諸業障若有於此五無間業造作增長於現法中竟不能轉得般涅槃生起聖道故約彼說離諸業障唯由如是五種支分自體圓滿是故說此名自圓滿云何他圓滿謂諸佛出世說正

法敎法敎久住法住隨轉他所哀愍云何名爲諸佛出世謂如有一普於一切諸有情類起善利益增上意樂修習多千難行苦行經三大劫阿僧企耶積集廣大福德智慧二種資糧獲得最後上妙之身安坐無上勝菩提座斷除五蓋於四念住善住其心修三十七菩提分法現證無上正等菩提如是名爲諸佛出世過去未來現在諸佛皆由如是名爲出世云何名爲說正法教謂即如是諸佛出世尊出現於世哀愍一切諸聲聞故依四聖諦宣說真實苦集滅道無量法教所謂契經應頌記別諷誦自說因緣譬喻本事本生方廣

希法論議如是名爲說正法教諸佛世尊及聖弟子一切正士皆乘此法而得出離然後爲他宣說稱讚是故說此名爲正法宣說此故名正法教云何名爲法敎久住謂說正法已轉法輪已乃至世尊壽量久住及涅槃後經爾所時正行未滅正法未隱如是名爲正

法久住如是久住當知說彼勝義正法住證道理云何名爲法住隨轉謂即如是證正法者了知有力能證如是正法衆生即如所證隨轉隨順教授教誡如是名爲法住隨轉云何名爲他所哀愍他謂施主彼於行者起哀愍心惠施隨順淨命資具所謂如法衣服飲食諸坐卧具病緣醫藥如是名爲他所哀愍云何善法欲謂如有一或從佛所或弟子所聞正法已獲得淨信得淨信已應如是學在家煩擾若居塵宇出家閑曠猶處虛空是故我今應捨一切妻子眷屬財穀珍寶於善說法毗奈耶中正捨家法趣於非家既出家已勤修正行令得圓滿於善法中生如是欲名善法欲云何正出家謂即由此勝善法欲增上力故白四羯磨受具足戒或受勞策所學戶羅是名正出家云何戒律儀謂彼如是正出家已安住具戒堅牢防護別解律儀軌則所行皆得圓滿於微小罪見大怖畏受學一

禍一

五

公

切所有學處是名戒律儀云何根律儀謂即依此尸羅律儀守護正念修常委念以念佛心行平等位眼見色已而不取相不取隨好恐依是處由不修習眼根律儀防護而住其心漏泄所有貪憂惡不善法故即於彼修律儀行防護眼根依於眼根修律儀行如是行者耳聞聲已鼻艸香已舌嘗味已身覺觸已意了法已而不取相不取隨好恐依是處由不修習意根律儀防護而住其心漏泄所有貪憂惡不善法故即於彼修律儀行防護意根依於意根修律儀行是名根律儀云何於食知量謂彼如是守諸根已以正思擇食於所食不爲倡蕩不爲憍逸不爲飾好不爲端嚴食於所食然食所食爲身安住爲暫支持爲除飢渴爲攝梵行爲斷故受爲令新受當不更生爲當存養力樂無罪安隱而住如是名爲於食知量云何初夜後夜常勤修習惜密瑜伽謂彼如是食知量已於晝日分經行

宴坐二種威儀從順障法淨修其心於初夜分經行宴坐二種威儀從順障法淨修其心過此分已出住處外洗濯其足右脇而卧重累其足住光明想正念正知思惟起想於夜後分速疾悟寤經行宴坐二種威儀從順障法淨修其心如是名爲初夜後夜常勤修習悟寤瑜伽云何正知而住謂彼如是常勤修習悟寤瑜伽已若往若來正知而住若覩若瞻正知而住若屈若伸正知而住持僧伽胝及以衣鉢正知而住若食若飲若噉若掌正知而住若行若住若坐若卧正知而住於悟寤時正知而住若語若默正知而住如解勞睡時正知而住是名爲正知而住云何樂遠離謂由如是所修善法無倒修治初業地已遠離一切卧具貪著住阿練若樹下空室山谷峯穴草藉廻露家間林藪虛曠平野邊際卧具是名樂遠離云何清淨諸蓋謂彼如是住阿練若或復樹下或空室等於五種蓋淨

禍一

公

修其心所謂貪欲瞋恚沈睡眠掉舉惡作及以疑蓋從彼諸蓋淨修心已心離諸蓋安住賢善勝三摩地如是名爲清淨諸蓋云何依三摩地謂彼如是斷五蓋已便能遠離心隨煩惱遠離諸欲惡不善法有尋有伺離生喜樂入初靜慮具足安住尋伺寂靜於內等淨心一趣性無尋無伺定生喜樂第二靜慮具足安住遠離喜貪安住捨念及以正知身領受樂聖所宣說捨念具足安樂而住第三靜慮具足安住究竟斷樂先斷於苦喜憂俱沒不苦不樂捨念清淨第四靜慮具足安住如是名爲依三摩地彼由如是漸次修行後後轉勝轉增轉上修集諸緣初自圓滿依三摩地以爲最後得如是心清淨鮮白無諸瑕穢離隨煩惱質直堪能安住無動若復獲得依四聖諦爲令遍知永斷作證修習他音教授教誡便有如是堪能勢力發生如理所引作意及彼爲先所有正見由此便能於四聖

諦入真現觀圓滿解脫於無餘依般涅槃界而般涅槃當知此中始從正見圓滿解脫於無餘依般涅槃界而般涅槃是名種姓真實修集從自圓滿乃至最後依三摩地當知是名修集劣緣若依四諦法教增上所有教授教誡他音若如正理所引作意當知是名修

禪一

七

六

集勝緣如是名爲種姓安立

云何住種姓者所有諸相謂與一切無涅槃法補特伽羅諸相違當知即名安住種姓補特伽羅所有諸相

問何等名爲無涅槃法補特伽羅所有諸相成就彼故應知說名無涅槃法補特伽羅答無涅槃法補特伽羅有衆多相我今當說彼相少分謂彼最初不住種姓無涅槃法補特伽羅阿賴耶愛遍一切種皆悉隨縛附屬所依成無量法不可傾拔久遠隨逐畢竟堅固依附相續一切諸佛所不能救是名第一不住種姓補特伽羅無種姓相復有所餘不住

種姓補特伽羅無種姓相謂彼聽聞以無量門阿毀生死衆多過失又復聽聞以無量門稱讚涅槃衆多功德而於生死不見少分戲論過失不見少分所有過患亦復不能少分厭離如是見厭於過去世不能已生於未來世不能當生於現在世不能正生又於愛盡寂滅涅槃不見少分下劣功德不見少分所有勝利亦復不能少分欣樂如是見樂於過去世不能已生於未來世不能當生於現在世不能正生是名第二不住種姓補特伽羅無種姓相復有所餘不住種姓補特伽羅無種姓相謂彼本性成就上品無慙無愧由是因緣無有厭惡心無怯畏以歡喜心現行衆惡由是因緣未嘗追悔唯觀現法由是因緣自身財寶衰退過患是名第三不住種姓補特伽羅無種姓相復有所餘不住種姓補特伽羅無種姓相謂一切種圓滿分明稱當道理美妙殊勝易可解了或依苦諦或依集諦

或依滅諦或依道諦宣說開示正法教時不能獲得微小發心微小信解況能獲得身毛爲豎悲泣墮淚如是亦依過去未來現在出
禪一

八

九

十

別是名第四不住種姓補特伽羅無種姓相復有所餘不住種姓補特伽羅無種姓相謂彼或時於善說法毗柰耶中暫得出家或爲國王所逼迫故或爲狂賊所逼迫故或爲債主所逼迫故或爲怖畏所逼迫故或不活畏所逼迫故非爲自調伏非爲自寂靜非爲自涅槃非爲沙門性非爲婆羅門性而求出家既出家已樂與在家及出家衆共誼雜住或發邪願修諸梵行謂求生天或餘天處或樂退捨所學禁戒或犯尸羅內懷朽敗外現真實如水所生雜穢蝸牛螺音狗行實非沙門自稱沙門非行梵行自稱梵行如是亦依過去未來現在出別當知如是不住種姓補特伽羅假想出家非不樂學補特伽羅名真出家受具足戒成苾芻性由此異門由此意趣

義顯於彼本非出家唯有任持出家相狀墮出家數是名第五不住種姓補特伽羅無種姓相復有所餘不住種姓補特伽羅無種姓相謂彼少有所作善業或由於身或語或意一切皆爲希求諸有或求當來殊勝後有或求財寶或求殊勝所有財寶是名第六不住種姓補特伽羅無種姓相如是等類有衆多相成就彼故墮在不般涅槃法數

云何安住種姓補特伽羅謂住種姓補特伽羅或有唯住種姓而未趣入亦未出離或有

安住種姓亦已趣入而未出離或有安住種姓亦已趣入及已出離或有輕根或有中根

禪一

九

十

云何名爲安住種姓補特伽羅唯住種姓而未趣入亦未出離謂如有一補特伽羅成就

出世聖法種子而未獲得親近善士聽聞正法未於如來正覺正說法毗奈耶獲得正信未受持淨戒未攝受多聞未增長惠捨未調柔諸見如是名爲唯住種姓而未趣入亦未出離補特伽羅云何名爲安住種姓亦已趣入而未出離補特伽羅謂前所說所有黑品相違白品當知即名安住種姓亦已趣入補特伽羅而差別者謂猶未得所有聖道及聖道果煩惱離繫云何名爲安住種姓亦已趣入及已出離補特伽羅謂如前說而差別者已得聖道及聖道果煩惱離繫云何軟根補特伽羅謂有如是補特伽羅於所知事所緣境界所有諸根極遲運轉微劣運轉或聞所成或思所成或修所成作意相應謂或信根或精進根或復念根或復定根或復慧根無有堪能無有勢力通達法義速證真實是名軟根補特伽羅云何中根補特伽羅謂有如是補特伽羅於所知事所緣境界所有諸根

少遲運轉一切如前應當廣說是名中根補特伽羅云何利根補特伽羅謂有如是補特伽羅於所知事所緣境界所有諸根不遲運轉不少劣運轉或聞所成或思所成或修所成作意相應謂或信根或精進根或復念根或復定根或復慧根有所堪能有大勢力通達法義速證真實是名利根補特伽羅云何貪行補特伽羅謂有如是補特伽羅於可愛事可染著事所緣境界有猛利貪有長時貪是名貪行補特伽羅云何瞋行補特伽羅謂有如是補特伽羅於可憎事可瞋恚事所緣境界有猛利瞋有長時瞋是名瞋行補特伽羅云何癡行補特伽羅謂有如是補特伽羅於所知事所緣境界有猛利癡有長時癡是名癡行補特伽羅若生無暇若有縱逸若有邪行若有障礙補特伽羅如是一切如前應知與此相違應知即是生於有暇無有縱逸無有邪行無有障礙補特伽羅云何名遠補特

伽羅謂有如是補特伽羅由時遠故云涅槃遠或有復由加行遠故說名爲遠云何名爲由時遠故去涅槃遠謂有如是補特伽羅經多百生或多千生多百千生然後方能值遇勝緣得般涅槃云何名爲加行遠故說名爲遠謂有如是補特伽羅唯住種姓而未趣入不能速疾值遇勝緣得般涅槃彼於涅槃未能發起勝加行故由加行遠說名爲遠不由時遠如是二種揔略爲一說名爲遠補特伽羅云何名近補特伽羅謂有如是補特伽羅由時近故去涅槃近或有復由加行近故說名爲近云何名爲由時近故去涅槃近謂有如是補特伽羅住最後生住最後有住最後身即由此身當得涅槃或即由此刹那無間於煩惱斷當得作證如是名爲由時近故去涅槃近云何名爲由加行近說名爲近謂有如是補特伽羅安住種姓亦已趣入如是二種揔略爲一說名爲近補特伽羅云何未成

禍一

十一

公

熟補特伽羅謂有如是補特伽羅未能獲得最後有身謂住於此能般涅槃或能趣入正性離生是名未成熟補特伽羅云何已成熟補特伽羅謂有如是補特伽羅已能獲得最後有身謂住於此能般涅槃或能趣入正性離生是名已成熟補特伽羅云何未清淨補特伽羅謂有如是補特伽羅未生聖道於聖道果煩惱離繫未能作證是名未清淨補特伽羅云何已清淨補特伽羅謂與上相違應知其相如是名爲安住種姓補特伽羅所有差別爲度彼故諸佛世尊出現於世謂若未趣入令其趣入若未成熟令其成熟若未清淨令其清淨轉正法輪制立學處

本地分中聲聞地第十三初瑜伽處趣入地品第二

如是已說種姓地云何趣入地呞陀南曰若略說一切趣入地應知謂自性安立諸相數取趣

謂若趣入自性若趣入安立若趣入者所有諸相若已趣入補特伽羅如是一切惣略爲一名趣入地

云何趣入自性謂安住種姓補特伽羅本性成就涅槃種子若於爾時有佛出世生於中國不生達須彌戾車中乃至廣說初得見佛及佛弟子住詣承事從彼聞法得初正信受持淨戒攝受多聞增長惠捨調柔諸見從是已後由此法受由此因緣身滅壞已度此生已獲得六處異熟所攝殊勝諸根能作長時轉勝正信生起依止亦能與彼受持淨戒攝受多聞增長惠捨調柔諸見轉上轉勝轉復微妙爲所依止復由如是轉上轉勝轉復微妙信等諸法更得其餘殊勝異熟由此異熟復得其餘隨順出世轉勝善法如是展轉互爲依因互與勢力於後後生轉轉勝進乃至獲得最後有身謂住於此得般涅槃或能趣入正性離生是名趣入何以故若道若路若

正行跡能得涅槃能趣涅槃彼於爾時能昇能入能正行履漸次趣向至極究竟是故說此名已趣入如是名爲趣入自姓

云何建立趣入謂或有種姓或有趣入或有將成熟或有已成熟或有唯趣入非將成熟非已成熟或有亦趣入亦將成熟非已成熟或有亦趣入亦已成熟非將成熟或有非趣入非將成熟非已成熟云何有種姓謂如前說云何有趣入謂住種姓補特伽羅最初獲得昔所未得於諸如來正覺正說法毗柰耶所有正信受持淨戒攝受多聞增長惠捨調柔諸見是名趣入云何將成熟謂即如是已得趣入補特伽羅除所獲得最後有身謂住故此得般涅槃或能趣入正性離生從趣入後於後後生修集諸根轉上轉勝轉復微妙是名將成熟云何已成熟謂所獲得最後有身若住於此得般涅槃或能趣入正性離生是名已成熟云何唯趣入非將成熟非已成

熟謂初獲得於諸如來正覺正說法毗柰耶所有正信廣說乃至調柔諸見未從此後復經一生是名唯趣入非將成熟非已成熟云何亦趣入亦將成熟非已成熟謂初獲得於諸如來正覺正說法毗柰耶所有正信廣說乃至調柔諸見從此已後復經一生或二或

偈一

十三

公

多而未獲得最後有身謂住於此得般涅槃餘如前說是名亦趣入亦將成熟非已成熟云何亦趣入亦已成熟非將成熟謂即如是已得趣入補特伽羅復已獲得最後有身若住於此得般涅槃餘如前說是名亦已趣入亦已成熟非將成熟云何非已趣入非將成熟非已成熟謂即如是有涅槃法補特伽羅唯住種姓而未趣入是名非已趣入非將成熟非已成熟補特伽羅然有堪能定當趣入當得成熟復有一類補特伽羅定無堪能當得趣入當得成熟謂離種姓無涅槃法補特伽羅當知如是補特伽羅無種姓故定無堪

能當得趣入及當成熟何況當能得般涅槃當知此中如是一切補特伽羅六位所攝何等爲六一有堪能補特伽羅六位所攝何根補特伽羅三成就中品善根補特伽羅四成就上品善根補特伽羅五究竟方便補特伽羅六已到究竟補特伽羅

云何堪能補特伽羅謂安住種姓補特伽羅而未獲得最初於佛正覺正說法毗柰耶所有正信廣說乃至調柔諸見是名堪能補特伽羅

云何成就下品善根補特伽羅謂安住種姓補特伽羅已能獲得最初於佛正覺正說法毗柰耶所有正信廣說乃至調柔諸見是名成就下品善根補特伽羅

云何成就中品善根補特伽羅謂安住種姓補特伽羅已能獲得最初於佛正覺正說法毗柰耶所有正信廣說乃至調柔諸見從是已後或經一生或二或多展轉勝進而未獲

得最後有身謂住於此能般涅槃或能趣入正性離生是名成就中品善根補特伽羅謂即如是展云何成就上品善根補特伽羅謂即如是展轉勝進補特伽羅已能獲得最後有身若住於此能般涅槃或能趣入正性離生是名成就上品善根補特伽羅

獨一

十四

分

云何名爲究竟方便補特伽羅謂已獲得最後有身補特伽羅爲盡諸漏聽聞正法或得無倒教授教誠正修加行而未能得遍一切種諸漏永盡未到究竟如是名爲究竟方便補特伽羅

云何名爲已到究竟補特伽羅謂即如是補特伽羅爲盡諸漏聽聞正法獲得無倒教授教誠如是如是正修加行已能獲得遍一切種諸漏永盡所作已辦究竟獲得第一清涼後補特伽羅由餘聲聞所修正行顯示最初補特伽羅由到究竟聲聞正行顯示最

獨一

十五

分

特伽羅爲盡諸漏聽聞正法獲得無倒教授教誠如是如是正修加行已能獲得遍一切種諸漏永盡所作已辦究竟獲得第一清涼後補特伽羅由餘聲聞所修正行顯示中間能種類補特伽羅即以種姓爲依爲住便能獲得下品善根及能趣入既趣入已下品善

根爲依爲住復能獲得中品善根以此善根而自成熟彼於如是自成熟時中品善根爲依爲住復能獲得上品善根已得成熟彼由如是上品善根修集爲因所得自體復能修集轉勝資糧由是觸證心一境性復能趣入正性離生證預流果或一來果或不還果而未能證最勝第一阿羅漢果如是名爲究竟方便補特伽羅若已證得一切煩惱皆悉永斷阿羅漢果爾時名爲已到究竟補特伽羅此則顯示由初中後一切聲聞所修正行所立六種補特伽羅由有種姓聲聞正行顯示最初補特伽羅由到究竟聲聞正行顯示最

涅槃當知此中或有一類極久遠或有一類非極久遠或有一類最極速疾得般涅槃謂住種姓補特伽羅最極速疾般涅槃者要經三生第一生中最初趣入第二生中修今成熟第三生中修成熟已或即此身得般涅槃或若不得般涅槃者必入學位方可夭沒極經七有得般涅槃如是名爲趣入安立云何名爲已趣入者所有諸相謂安住種姓補特伽羅纔已趣入設轉餘生於自大師及善說法毗奈耶中雖復忘念若遇世間現有惡說法毗奈耶及有善說法毗奈耶雖久聽聞以無量門讚美惡說法毗奈耶有勝功德而不信解愛樂修行亦不於彼而出家設暫出家纔得趣入尋復速疾棄捨退還爲性於彼不樂安住如蜜生蟲置之釀酢或如受樂受妙欲者置淤塗中彼由宿世妙善因力所住持故若暫聽聞讚美善說法毗奈耶少分功德或全未聞雖暫少聞或全未聞而能速

疾信解趣入愛樂修行或求出家既出家已畢竟趣入終無退轉爲性於此愛樂安住如蜜生蟲置之上蜜或如受樂受妙欲者置勝欲中彼由宿世妙善因力所住持故是名第一已得趣入補特伽羅已趣入相復有所餘已得趣入補特伽羅已趣入相謂雖未得能

往一切要趣無暇煩惱離繫而能不生惡趣無暇世尊依此已得趣入補特伽羅密意說言若有世間上品正見雖歷千生不墮惡趣彼若已入上品善根漸向成熟爾時便能不生無暇及餘惡趣是名第二已得趣入補特伽羅已趣入相復有所餘已得趣入補特伽羅已趣入相謂暫聞佛或法或僧勝功德已

禪一

十六

羅已趣入相謂暫聞佛或法或僧勝功德已便得隨念清淨信心引發廣大出離善法數數緣念融練淨心身遂毛豎悲泣兩淚是名第三已得趣入補特伽羅已趣入相復有所餘已得趣入補特伽羅已趣入相謂性成就猛利慚愧於所現行諸有罪處深生羞恥是

名第四已得趣入補特伽羅已趣入相復有所餘已得趣入補特伽羅已趣入相謂於受持讀誦請問思惟觀行求善法中有深欲樂猛利欲樂是名第五已得趣入補特伽羅已趣入相復有所餘已得趣入補特伽羅已趣入相謂於一切無罪事業修集一切善品。行正方便中能善修集堅固發起長時發起決定發起是名第六已得趣入補特伽羅已趣入相復有所餘已得趣入補特伽羅已趣入相謂彼爲性塵垢微薄煩惱羸劣雖起諸纏而不長時相續久住無詭無詐能制憍慢我我所執好取功德憎背過失是名第七已得趣入補特伽羅已趣入相復有所餘已得趣入補特伽羅已趣入相謂能善巧藏護其心於諸廣大所應證處不自輕憐不自安處無力能中其所信解增多猛威是名第八已得趣入補特伽羅已趣入相如是等類已得趣入補特伽羅已趣入相當知無量我於是

一
十一

中已說少分如是諸相若有安住下品善根而趣入者當知下品各有間隙未能無間未善清淨若有安住中品善根而趣入者當知上品若有安住上品善根而趣入者當知上品無有間隙已能無間已善清淨如是名爲已得趣入補特伽羅已趣入相成就如是趣入相者當知墮在已趣入數應知如是安住種姓已得趣入補特伽羅所有衆多吉祥士相唯佛出尊及到第一究竟弟子以善清淨勝妙智見現見現證隨其種姓隨所趣入如應救濟云何名爲已得趣入補特伽羅謂或有已得趣入補特伽羅唯已趣入未將成熟未已成熟未得出離或有亦已趣入亦將成熟未已成熟未得出離或有亦已趣入亦已成熟未得出離隨欲而行如是差別應知如前已辨其相復有所餘如種姓地說轉根等補特伽羅所有差別今於此中如其所應亦當了知

所有差別如是所說若趣入自性若趣入安立若已趣入者所有諸相若已趣入補特伽羅一切揔說名趣入地

瑜伽師地論卷第二十一

釋音

禍一

初瑜伽處出離地品第三之一
若世間離欲 如是出世間 及此二資糧

王文貴

是名出離地

溫柁上烏骨反
下徒可反
頑駛下語解反
懈寢上古孝
下零帝反
企耶上丘余反
居軌則上居余反
愚鈍徒下智反
煩擾下音
闊曠況反
羯磨上音
居漏泄反
虛業業反
迦胝下珍噉
倡蕩昌音
宴坐上見反
洗濯濁下音
嘿默二同墨
草積下子反
虛業業反
捨若下而
林敷叟音
惛沉昏上音
掉舉上徒
吊反
牛上
下正作
才音
酢下魚久
正作
醕羸劣
上力輕
懷結反
車轎
莫間隙
逆下丘
反
伺相持
怯畏劫
上去逼迫
上彼力
反朽許人
蝎
上音
蕊芻上頻
必反又步
結反
天於小
纏
於初靜慮上漸次如應
一切下地觀爲鹿相
於乃至無所有處而得離欲亦能證入乃至
非想非非想處如是名爲由世間道而趣離
欲除此更無若過若增

十八末

禍一

瑜伽師地論卷第二十二

禍二

彌勒菩薩說 沙門玄奘奉詔譯
本地分中聲聞地第十三